

松溪集
地

~ 16
2409
2



和
2409
3-2

松溪集卷之三目錄

詩

歎逝亭敬次 成廟御製韻

暎波亭會飲與斗元賦春州二韻 六首

挽吳_靖大夫人

醉席別老妓月宮娥歸成川

戲答斗元偷去玉盆剪秋羅 二首

又次斗元知來二韻 二首

次斗元久不見

次斗元寄贈



甲午冬赴燕碧蹄館次副价李咸卿一相韻

次咸卿早過臨津宿松都向猪灘口號

次咸卿謝贈詩

次咸卿早發蔥秀山宿瑞興向鳳州口號

黃岡

早發黃岡暮投箕京

過安定宿肅寧次咸卿

曉發肅寧抵晴川次咸卿

曉過百祥樓抵嘉平

次咸卿過曉星嶺別嘉山倅書懷

新安館逢至日

宿林畔館

古津江

龍灣館

次咸卿龍灣口號

統軍亭

渡鴨綠江

九連城露宿

柵門露宿

鎮東堡

鎮夷堡次咸卿

連山館

連山次書狀沈重叔世鼎疊鎮東韻

甜水站

青石嶺

遼陽感懷

遼村夜坐

遼陽次咸卿疊連山韻

駐蹕山

耿家店途中遇大風雪吟示同伴

三义河示同伴

過沙嶺驛露宿

高平驛夜吟

晚過盤山驛

廣寧

廣寧途中望醫巫閭山

閭陽驛感懷

錦州次咸卿懷古二首

晚過杏山堡

客中逢初度日感懷示咸卿

寧遠途中感懷

中右所夜吟

曉過中後所

前屯衛夜坐

中前所途中復疊前韻

曉過撫寧縣次咸卿

榆關述懷

永平府

曉渡灤河

永平曉發歷尋射虎石

釣魚臺

薊州次咸卿

次咸卿除夕前二日夜坐書懷

立春

春夜書懷要重叔和

燕京八景八首

回到通州述懷

次咸卿述懷

次重叔述懷

潞河

藍田始送先來健美述懷

豐潤知縣李爾蕙求詩甚懇立人書贈便面

望海樓次咸卿口號

曉出山海關示咸卿

三义河露宿

回到鳳城護行將光祿少卿懇求別章書贈便

面

回到龍灣留一日時值清明佳節 王人肇

玉札與珍羞以來始聞家 國平安之報喜

幸述懷

答嘉山倅李子修

正英 情牋

踏青日與監司沈

澤兵使金 過成川倅李 志安

宴百祥樓嘉山倅李 正英前修撰申 混亦以

謫宦來會醉後應呼

次咸卿秋日書懷

挽珍原君

世完

贈覺性上人

次咸卿雪夜孤坐追憶燕行 二首

詠橘

畫牛軸和白軒李相國 景奭 韻

槽溪山庄次上人詩軸 二首

夜宿碧蹄館回憶家鄉不禁潸然述懷

松京途中次副价金子珍 南重 述懷韻

玉溜石榻獨坐無聊答行臺鄭聖瑞 麟卿 所贈

登勝仙樓

宣城途中述懷

次子珍龍川途中口號

次子珍龍濟口號

次子珍戲贈行臺

次子珍統軍亭口號

鎮江露宿

次子珍觀獵

次子珍鎮夷堡途中口占

次子珍謝分鹿肉

冷井途中

遼野

沙河小刹

廣寧

十三山

小凌河

次子珍寧遠夜坐

登角山寺與聖瑞共賦

次子珍清聖廟有述 二首

又次聖瑞清聖廟口號

早出燕京海岱門

次聖瑞有感飛將軍碑

望海亭

到箕京聞仙娘入洛戲寄斗元

槽溪別業醉題吳子益 始謙 便面

孟夏 聖上親幸問疾感祝書懷奉進

松溪集卷之三

詩

歎逝亭 在禁園 敬次 成廟御製韻 甲午

玉欄雲影一望斜九曲飛泉畫裏家 聖祖當時畱

寶墨祗今猶發萬年花

暎波亭會飲與斗元賦春州二韻

池波清暎一亭春遶岸 燈 花色態真華筵日暮佳賓

至酒興詩情斗覺新

其二

畫堂鯨飲洞庭春醉後狂歌意亦真日暮林塘微雨



過一園楊柳萬枝新

其三

醉對名園九十春
謫仙猶恐寫難真
一生行樂須如此
蝶舞鶯歌日日新

其四

華筵樽酒憶西州
佳客無言也自憂
月下芳緣應不淺
更看沉醉淚江頭

其五

飲水幾度過邊州
強半平生是客憂
今日暎波亭上會
醉中猶恐鴨江頭

其六

西州送客謫南州
惆悵臨歧未解憂
莫道當年分手恨
春風共醉駱峰頭

挽吳

靖

大夫人

七十人間古所稀
况兼賢胤耀門闈
闈儀有受家聲遠
君子無違婦德徽
吉地牛眠仍得兆
延津劔合永相依
從容幾忝升堂拜
欲寫哀詞淚未晞

醉席別老妓月宮娥歸成川

別意茫茫月欲低
那堪明日更東西
離筵莫唱驪駒曲
從古催人掩面啼

戲答斗元偷去玉盆剪秋羅草名

盆裏金花蕊初從蘄塞來煩君深院鎖易被偷兒知

其二

自愛秋羅異移將玉砌來名花元有主誤入俗人知

又次斗元知來二韻

詩律君先覺酒卮吾自知既然清韻合早許兩相知

其二

午院薰風晚閒庭細雨來吟詩不把酒唯待玉人來

次斗元久不見

阻澗西村久西村萬里遙西村人不來咫尺還迢迢

清儀不見久畫堂空寂寥我豈無願言日日早趨朝
早趨晚歸家閒庭月色饒阻澗良有以我言非飾雕
西村杜門客自處折芳椒休官閒自適心跡脫塵囂
托契歲寒期蒼松雪不凋平生許知己詩酒與共聊
幾時訪南隣豪興酒中驕粉沼荷芰滿金爐檀桂燒
松露鶴夢覺風簷燕語嬌閒吟謫仙語獨酌魚枕蕉
西村與南隣意氣凌雲霄南隣兮歌舞西村擬相邀
舞袖雲俱展歌聲玉已調曲欄弄明月繡戶度清宵
爽氣九秋如那煩白羽搖政當一携手斗酒胸中澆

次斗元寄贈

吳門不見久煙月幾相思獨坐空呼酒閒吟謾賦詩
小階蒼蘚合深院夕陽遲白雪高難和幽愁更上眉
甲午冬赴燕碧蹄館次副价李咸卿一相號韻
餞罷西郊起暮煙客懷唯自倍依然半生裘馬違鄉
國幾度風霜向塞天旅榻燈殘孤夢斷玉樓雲隔
寸心懸那堪此夜無窮意抱膝閒吟獨不眠

元韻

西郊冠蓋散如煙客到高陽倍黯然萬里驅馳催
白髮中原消息問蒼天燕行擬趁新春返漢日猶
畱故國懸空館別懷仍感慨酒醒孤燭不成眠

次咸卿早過臨津宿松都向猪灘口號

謁罷園陵曙色明愧看津吏慣逢迎臨湍別淚憐
兒子松岳荒煙感舊京背壁殘燈侵冷影撲窻飛雪
送寒聲十年幾渡猪灘水咽咽流波惱客情

次咸卿謝贈詩

暮天官路雪漫漫旅館孤燈歲又殘綸命同承皆
宿契王程遠邁政祁寒羈懷屢把深卮倒壯志頻
將寶劍看却喜瓊琚相和贈客中聊得寸心寬

元韻

山川歷歷路漫漫征馬蕭蕭鬣雪殘王事出關

驚歲暮客懷歌枕惻朝寒慙幸荷詩篇贈許與
仍將意氣看酬唱本來真勝集別愁何待酒杯寬

次咸卿早發蔥秀山宿瑞興向鳳州口號

驛路迢迢日欲低客懷空自轉悽悽碧流幾把金壺
倒丹壑今看彩筆題却喜鄉書憑信鴈還憐征旆趁
晨雞回頭已隔龍泉館一醉相期淚水西

黃岡

粉堞岩嶢枕碧流重關形勝鎮邊州故人斗酒牽清
興幕府華筵辦壯遊永夜角聲搖客睡高樓月色惹
羈愁如今主帥稱人望一帶連城定不憂兵使柳權

早發黃岡暮投箕京

雪滿關山曠野平塞天寒日使車行荒原故壘黃雲
暗旅館孤燈白髮生遠樹煙籠迷客路孤城笳動起
鄉情一年重向箕京路淚水愁看片月橫

過安定宿肅寧次咸卿

朔氣凝嚴積素澄一望巖壑玉千層幾年洛社同携
酒萬里關河共飲冰歲暮長亭停去轍夜闌虛館伴
孤燈青春驛路東歸日小雪堂前喚友朋小雪堂在肅寧館北

曉發肅寧抵晴川次咸卿

他鄉為客已經旬夢裏猶思故國人微月乍分愁裏

影孤燈獨伴病餘身十年衰髮紛紛雪千里征衣撲
撲塵曉發肅寧畱宿醉蜜城難和錦篇新

曉過百祥樓抵嘉平

安興形勝一高樓朔氣連空日夜浮幾度朱欄憑兀
兀殘星畫角去悠悠吟詩自瀉千般恨把酒聊寬萬
里愁冰渡晴川尋古驛塞雲西畔是嘉州

次咸卿過曉星嶺別嘉山倅書懷

塞路天寒風怒號此行贏得鬢邊毛前臨故國家猶
遠回望窮荒嶺更高關外笑談逢太守客中吟詠屬
吾曹別來最是多情處一幅雲牋染彩毫

新安館逢至日

誰慰他鄉萬里情又逢佳節客心驚南枝已報陽和
動北塞猶看朔氣橫有淚春秋書一部無情歲月髮
千莖平生感慨今宵激彈劔悲歌雪月明

宿林畔館

遠客情懷政可憐夜窻聞角淚潛然一床魂夢迷鄉
國千里行旌向塞天短燭依微孤館裏小星明滅暮
雲邊幾年辛苦宣城路謾遣羈愁入短篇

古津江

在義州所申
館南十里

飄飄旌節過龍城朔雪凜風滿驛程朝渡古津初日

冷暮投濟館淡煙生十年幾酒思鄉淚萬里難堪去
國情南北地形從此隔統軍亭下一江橫

龍濟館

積雪龍灣朔氣寒殊方千里共艱難屢更驛騎家逾
遠纔寫鄉書夜已殘松鶻霜風吹烈烈鳳城水路轉
漫漫明宵定宿陰山畔回首南關淚不乾

次咸卿龍灣口號

塞門斜日把離杯千里燕山幾月迴地盡龍灣歸夢
斷天連鶴野朔風來自憐征路添新病更恻騷壇遇
大才欲報詞翁珍重意沉吟竟夕句難裁

元韻

多病新停客裏杯塞門天末夢先迴三更月隱孤
城立萬里風號大漠來早有遊梁枚叔賦仍聞喻
蜀馬卿才追陪最荷慇懃意珍重詩篇取次裁

統軍亭

巍巍畫閣壓江灣雉堞蒼茫落照間萬里風煙連月
窟一邊雲樹傍陰山宇宙幾年畱勝蹟經過今日解
愁顏可憐客子登樓賦只說明春好往還

渡鴨綠江

一渡冰江意不平回頭遙望隔王京窮陰漠漠連

羈恨落日亭亭惱客情孤影又經千里役長程曾慣
卅年行何時駱下旋車去喜看門前稚子迎

九連城露宿

鎮江斜日起炊煙野幕霜風思黯然古塞層冰搔白
首荒城枯骨怨蒼天三更夜氣重裘襲萬里鄉心片
月懸龜縮如今空抱病恹寒衰質自無眠

柵門露宿

毳幕羈懷強日寬塞門今日又艱難枕邊積雪通宵
冷帷面孤燈到曉殘客夢初迴心悵惘鄉書久斷淚
汎瀾憑床細算神京遠鶴野燕山路政漫

鎮東堡

落日荒城三兩村炊煙起處掩柴門陰山地僻征車
少野店天寒人語喧杳杳行旌飄絕塞悠悠羈夢遶
鄉園今宵獨客虛窻下砭骨霜風撼小軒

鎮夷堡次咸卿

共承 綸命任驅馳萬里何須計險夷薊北行程隨
臘盡海東歸旆趨春期孤城毀堞傷心事小店殘燈
倚枕時遠客窮愁唯白髮虛窻空詠一篇詩

連山館

柴門不正帶斜陽野色蒼茫古道傍煙樹孤城悲鼓

角夜窻殘燭憶家鄉何時玉節歸灣塞此日星軺滯
遠方幾度啼嗑虛館裏碧山無際暮天長

連山次書狀沈重叔 世鼎 壘鎮東韻

連山館裏兩三村薄暮溪邊半掩門萬里寒雲飛鴈
盡五更殘燭旅人喧支離日日尋前路宛轉時時夢
故園詩卷孤吟仍不寐一天霜月滿虛軒

元韻

冰川一帶護孤村植木為籬板作門客思盈襟唯
自遣胡雛滿屋任他喧窮冬已擬輸長路獻歲先
期返故園入夜旅窻歸夢好情朋斗酒共幽軒

甜水站 格進退

行李暮投甜水城塞天寒日把深觴夢迴 花萼空
懸月路入皇華獨愴情從古禦戎誰有策于今易俗
更無方明宵又向狼山宿趁曉猶看動客旌

青石嶺

嶺岫橫天矗石環更兼霜雪滿空山陰風漠漠重裘
冷客恨悠悠兩鬢斑回望故園征鴈斷平臨大陸暮
雲頑險夷此日皆臣分水路間關叱馭攀

遼陽感懷

遼塞陰風拂面吹漢陽孤客遠征時頑雲漠漠魂堪

斷殺氣漫漫意轉悲一派河流千古咽數行鄉信半
年遲平原極目荒煙斷獨立崩城強賦詩

遼村夜坐

鶴野風饕日欲昏暮天霜雪滿江村魂隨夜月歸
仙陛身伴羈鴻滯塞門明燭題詩良友和倚床呼酒
僕夫喧半生花萼偏蒙 渥結草唯期報 聖恩

遼陽次咸卿疊連山韻

數屋荒涼帶夕陽河流嗚咽古城傍半年旌節淹遼
塞萬里山川憶故鄉歸思還要了鶴訣斑毛期覓少
翁方幾時重踏東關路回首愁雲暮更長

駐蹕山 遼東首山

昔年唐帝度邊關今古猶傳駐蹕山壯志欲吞遼塞
外軍聲先挫鴨江灣愁雲漠漠虫沙後舊蹟依依草
莽間堪笑玄花落白羽昭陵千載更無顏

耿家店途中遇大風雪吟示同伴

亂雪凜風日又曛茫茫原野繞陰雲燕山路遠將詩
過遼塞天寒借酒醺千里殊鄉分苦楚半年同榻荷
慇懃霏霏朔氣衣全濕唯憶前村對火燠

三义河示同伴

去歲乘舟過此河今年冰渡動悲歌羣山點點天邊

出大野茫茫霧裏迤世事奕碁雙淚下
王程鞍馬半頭皤春來竣事歸
京國駝駱峰前共醉哦

過沙嶺驛露宿

征車趁暮過沙嶺獵獵陰風拂面來
鶴野霜寒人瘁豚龍城路險馬虺虺
清宵旅夢歸金闕白雪悲歌倒玉杯
小少平居唯暖室野帷何事苦徘徊

高平驛夜吟

永夜殘燈伴客愁獨依孤枕思悠悠
家鄉已歎音書隔歧路重驚節序遒
迢遞明星天北極蒼茫皓月驛南樓
十年旌節悲歌裏未老吾生已白頭

晚過盤山驛

秣馬盤山意未平誰人不起故園情
鬪骸堆積荒林野旌節飄飄古驛城
千里關河歸夢斷一望冰雪客心驚
殘墟落日猶詩思手擘雲牋字字瓊

廣寧

極目蓬蒿望裏齊旅窻空對夕陽西
枕邊孤影愁無夢燈下新詩醉懶題
此日丘墟曾壁壘昔年屠戮及孩提
傷心欲問滄桑事唯有荒林野鳥啼

廣寧途中望醫巫閭山

閭嶽嶒嶸鎮北隅雄臨大漠自縈紆
峰巒淑氣浮今

古洞壑雲容乍有無黃帝昔年迎羽蓋寶壇今日長
蒿萋回頭却望仙區勝孤客它鄉病欲蘇

閭陽驛感懷

日暮閭陽馬不前異鄉孤客政堪憐幾年旌節飄長
路千里愁懷入短篇朔雪未消遼塞外炊煙初起古
城邊蓬蒿極目多蕭瑟回憶當時涕自漣

錦州次咸卿懷古

漢壁當年坐見收祗今殘堞似含羞初從離亂遺民
語獨立山河過客愁一片降旗忘節義數千坑卒憶
貔貅長驅鐵騎元由此萬事 皇朝淚自流

其二

廢壘寒雲莽不收元戎屈膝古今羞勢如竹破連城
陷戰似風驅壯士愁落日沙場但猿鶴當年部曲摠
貔貅君恩浪忝邊州鉞未遣芬芳百世流

晚過杏山堡

落日星軺過杏山愁雲漠漠繞孱顏一望原野荒煙
斷百戰城池殺氣環歲暮殊方魂脉脉路迷鄉國淚
潛潛半年惆悵燕關客擬趁春光竣事還

客中逢初度日感懷示咸卿

歲逢壬戌吾初降仰荷 生成福祿延半世幸叨聯

木海集

寶樹百年長擬樂孤筵却憐薊塞行厨冷空憶梁園
御醞宣 天地早崩孤小子客中空詠蓼莪篇

次韻

日日傳筒送暮年歸期忘却共遷延今逢降岳回
佳節倍憶開樽敞勝筵 天屬獨勞千里役 御
書遙自 九重宣 先朝未死孤臣痛更和星軺
感舊篇

寧遠途中感懷

曠野獰風捲地來塵沙撲撲眼難開黃昏古塞炊煙
斷白骨荒墟鬼哭哀壯士何年收壁壘愁雲今日繞

樓臺天涯臘後寒猶苦頻取狐裘掩凍腮

中右所夜吟

客子來投中右所一望殘堞暮雲平虛窗獨洒三更
淚小榻偏傷萬里情傳信難憑上林鴈趁春思聽故
園鶯愁多自是難成寐卧對城頭片月橫

曉過中後所

雲陰古塞朔風號漠漠塵沙撲錦袍天外羣山青似
黛海邊殘雪白如糕還從旅館開詩壘空憶中閨壓
酒槽亂後經行多吊古一望墟落滿蓬蒿

前屯衛夜坐

用進退韻

公溪集

卷三

詩

十三

清宵獨坐意如何一枕寥寥燭影斜月照荒墟揮客
淚霜寒旅店動悲歌行旌幾向燕山路魂夢初迴漢
水涯從古邊封經戰伐可憐骸骨白嗟哉

中前所途中復疊前韻

殊鄉孤客恨如何野色蒼茫落照斜燕塞偏驚凋鬢
髮梁園仍憶咽笙歌蕭蕭古堠依山畔杳杳漁舸點
海涯步馬荒墟尋古蹟可憐殘堞獨嗟哉

曉過撫寧縣次咸卿

宛耳山在
縣西五里

古縣重過翠蓋停山名兔耳記丁寧流川遶郭長沙
白宿霧收空遠黛青朔雪愁看燕塞積寒梅遙憶故

園馨繁華舊跡無人問遠客踟躕淚自零

榆關述懷

獨欹孤枕對爐香羈思寥寥憶漢陽野店窻虛風浙
瀝榆關沙迥月蒼茫相携河岸吟殘雪細酌橋邊犯
曉霜誰識今宵無限恨隔年征旆滯殊鄉

永平府

盧龍塞勢自逶迤遠客停驂憶舊時灤水鳴波如訴
恨燕山攢黛似含悲髑髏堆積荒林野旌節飄飄古
壘基天地無情桑海變一城煙火盡羌兒

曉渡灤河

永平府
西門外

曉雞啼罷啓關門
煙樹依依點小村
冰渙急湍沙鴈浴
天陰絕塞海雲屯
百年風俗隨時變
一派河流亘古存
極目中原氛祲滿
未知何日淨乾坤

永平曉發歷尋射虎石

在永平府灤河邊李廣廟亦在

曉色蒼茫右北平
塞天孤客動行旌
丹青古廟悽風冷
鶴鶴蒼杉落月橫
虎石箭痕千古壯
龍沙威績一時英
漢家飛將今何在
唯有殘碑記姓名

釣魚臺

在灤河下流

釣魚臺畔繞滄洲
千載人傳呂望游
磯石應畱雙膝處
淪漪猶憶一竿浮
岐山羃卜風期近
牧野鷹揚事

業優獨立沙邊拚
古跡謾將風景錦囊收

薊州次咸卿

大野茫茫眼界明
依依煙樹繞崩城
五更羈恨孤燈在
萬里行裝一劍橫
關塞天寒霜月白
燕山路遠暮雲平
荒墟極目殘骸積
從古漁陽幾戰爭

次咸卿除夕前二日夜坐書懷

旅窻寒燭暗銷魂
唯有鐘聲似駱村
却歎羈蹤違一榻
仍憐孤館掩重門
懷君此夜吟詩句
携手何時倒酒樽
萬里風沙淹病骨
客中殘臘又將翻

元韻

燈火寥寥只斷魂昔年投轄憶東村長途尚喜頻
聯榻孤館那堪各閉門已荷襟懷憑尺牘難將談
笑對清樽咸陽博塞還無賴客裏相思歲又翻

立春

綵燕迎春萬戶同此身何事歎飄蓬燈懸旅館魂唯
黯夢斷鄉園歲已窮淑氣猶迴殘雪裏惠風空暢曉
煙中孤吟令節仍惆悵幾日星軺返海東

春夜書懷要重叔和

乙未

大陸春回萬物新天涯却歎未歸人輕寒獵獵燕山
塞鄉夢依依漢水濱半夜羈懷空索寞一床衰鬢更

吟呻年年金幣誠何事不語燈前淚滿巾

次韻

殊方物色漸看新萬里還思萬里人使節尚淹燕
館裏春風先到鴨江濱詩篇就後愁仍寂酒力微
時病更呻祇喜我公寬禮數追陪不管頂無巾

燕京八景

桑乾河自鴈門流倚月行人起遠愁拱極城邊雲氣
散蘆溝橋畔水光悠煙籠碧柳輕陰綴斗轉清空淡
靄浮畱得萍蹤看勝景一天蟾影滿芳洲

右蘆溝曉月

蘆溝在燕京西南四十里涿州界拱極城在傍

湖水溶溶石竦邊一望春色政嬋娟東風御柳依沙
岸暖日晴波泛畫船芳草有情生玉砌舊塘無主起
寒煙停車曾賞臨漪勝曲檻前頭萬朶蓮

右太液晴波

臨漪亭在太液池
中石竦牌門名

荒城驅馬暮煙斜攬涕騷人鬢欲華寂寞遺墟迷夕
照荒涼古木帶殘霞層臺尚憶燕昭築異禮初從郭
隗加可惜當年興霸地祇今空見噪寒鴉

右金臺夕照

一帶無心出嶼飛白衣蒼狗或更輝溶溶水口成春
雨藹藹峰頭暎夕暉淡影如煙仍靉靄奇形似畫轉

霏微依稀想像繁華日隔岸樓臺面面圍

右瓊島春雲

雪霽空山留素華妙香無處不飛花雲閑古寺晨鍾
動冰合龍湫暮靄斜幾度騷人吟玉屑昔年孤客駐
星槎奇遊欲踏仙區遍縹緲瓊齋一望餘

右西山霽雪

西山妙香山古名燕京西距
三十里有碧雲寺及龍湫

曠野茫茫極目平斜陽遠樹翠煙橫參差迥入邊陰
合蔥鬱仍兼夕氣輕歸鶴尋巢迷舊處征人回首黯
鄉情十年經過漁陽地幾度吟詩駐旆旌

右薊門煙樹

形勝居庸客倚城重關自古鎮幽并羣巒縹緲千層
迴浮翠參差萬丈橫倒影依依殘日照連陰漠漠暮
雲平須看殺氣凝西北也是經來百戰爭

右居庸疊翠

居庸燕京西北
距三四日程

燕山西畔玉流泉遙看蟠螭垂半天五彩蛟形橫遠
岫千尋劍影跨長川媚春弱柳平堤繞耀日晴波太
液連寶輦不來紅閣毀野墟啼鳥鎖寒煙

右玉泉垂虹

玉泉在燕京
北三十里

回到通州述懷

異鄉孤客隔年歸旅榻寥寥對夕暉冰漁長河波滉

漾煙沉古郭靄霏微休論經歲淹燕館却喜今朝出
帝畿回洛只應春已暮駱村花柳繞朱扉

次咸卿述懷

玉館淹留一月餘異鄉懷抱更何如燕山此日同驅
馬漢水那時共釣魚弱柳纔含春色早旅旌橫帶夕
陽初出關定有東歸使萬里先緘故國書

次重叔述懷

經年畏道自兢兢頭上空教白髮增落日征人驅倦
馬平原獵騎臂蒼鷹橋邊弱柳新含嫩城外春潮尚
帶冰永夜虛窻歸夢濶故鄉消息杳難憑

潞河

二月東風始解冰
澄波漾漾熨青綾
朱樓畫閣依然在
在白馬金鞍底
事騰永夜灘聲高
枕迥夕陽煙色倚
欄曾從來賈舶連
楊子百萬帆檣愜
素稱

藍田始送先來健美述懷

征旆淹留半歲餘
異方心事向誰攄
鄉書始寄東歸使
客路從旋北塞車
堤柳參差春雨裏
江鴻先後夕陽初
恨無飛翼同隨去
彤陛猶遲曳珮裾

豐潤知縣李爾蕙求詩甚懇立人書贈便面

邂逅天涯姓即同
喜看才調更英雄
早年折桂文名

赫此日臨民政績隆
階上寒梅春雨後
橋邊弱柳暮煙中
明朝客路應回首
征馬踟躕潤縣東

望海樓次咸卿口號

畫閣崔嵬古漢關
仲春游子却重攀
濤聲浙瀝層城畔
帆影依稀杳靄間
極目龍沙天欲暮
半年燕塞客初還
行旌若馭仙槎去
一瞥飛過木覓山

曉出山海關示咸卿

百二關門趁曉開
隔年燕塞客初迴
三冬旅館多辛苦
萬里行旌幾往來
渤海濤聲風外壯
遼山春色雨中催
何時共到龍灣上
一笑高樓把酒杯

三义河露宿

遼山野幕苦相依
蘆葦蒼茫宿鳥飛
挾岸長風驅雨過
隔年孤客趁春歸
三更旅夢迷鄉路
萬里愁懷憶禁闈
江接海門驚浪起
夕陽官渡櫓聲稀

回到鳳城護行將
光祿少卿懇求別章書贈便面

萬里殊鄉偶識面
那知長路苦酸同
聲名早擬巖廊上
才藝先騰翰苑中
鴨水波鳴煙欲暮
鳳城春返雪初融
可堪別後遙相憶
只待星軺奉使東

回到龍灣留一日
時值清明佳節
王人擎

玉札與珍羞
以來始聞家
國平安之報喜幸

述懷

燕山萬里抱離愁
異域經年已白頭
日下來人傳玉札
天涯歸客駐行軒
落花芳草清明節
彩舸鳴簫鴨綠流
喜得家鄉無鯁信
不妨佳節把杯遊

答嘉山倅李子修

正英

情牋

促膝寧論資級卑
寸心惟許歲寒知
春回驛舍題詩處
雨滴行旌惜別時
數月嘉州非譴謫
十年燕塞愧支離
如今莫歎它鄉苦
更待長安共酒卮

元韻

自牧忘尊也以卑平生愛慕寸心知天涯跋涉雖
多事關外逢迎亦一時北去前冬曾惜別東還今
日又傷離歸程從此猶千里莫怪停舟舉酒卮

踏青日與監司沈

澤

兵使金

過

成川倅李

志安

宴百祥樓嘉山倅李

正英

前修撰申

混

亦以謫

宦來會醉後應呼

春風來上百祥樓俯瞰晴川接海流啣命行人旋
旆日題詩學士憶鄉秋北臨灣塞塵沙暗南望螭
庭道路悠佳節勝筵須盡醉不妨簾外夕陽收

次咸卿秋日書懷

憶昔燕山奉使同可憐雙鬢類飛蓬客懷幾慰清樽
畔世事徒憑片夢中數葉梧桐零玉露微雲河漢淡
金風閒簷獨立相思意自是生平氣味通

挽珍原君

世完

同宗又作外堂親一夢依稀五十春性素睦嫻情自
篤位尊金玉志逾寅素帷冷落杯歌榻華髮淒涼影
吊身忍憶當年投轄飲水村丹旄哭秋旻

贈覺性上人

慣聞飛錫水雲間貝葉何年講寶壇性覺諸天緣業
盡道通三界現心端棲身古寺青松匝斂跡空山白

雪漫局束塵韉尋未得愧將詩律寫冰紈

次咸卿雪夜孤坐追憶燕行

歲暮燕山道路悠星軺往事雪盈頭心懸關月空怊
悵身逐邊鴻却去畱今夜可辭剡溪棹二年同陟仲
宣樓會須細酌燈前酒說盡當時玉館愁

其二

午夜疎燈暎壁間蒲天風雪掩重關休言木果求瓊
語好把匏樽倒玉山小榻圖書渾寂寂半庭梅鶴自
閒閒異鄉同苦偏難忘乍駐車輪一解顏

乘醉往訪故云

元韻

燕山行役夢悠悠經歲歸來共白頭已荷杯筵偏
纒纒更勞車馬乍淹畱詩傳華鶴千年柱氣壓元
龍百尺樓尚憶聯鑣酬唱地不堪窮巷掩門愁
依依燈影照窻間雪裏蕭條獨掩關身事漸看新
白髮夢魂空繞舊青山休嫌栢府乘駟人自有茅
簷對鶴閒更待東隣文酒會共將談笑破愁顏

詠橘

劈破南州三寸黃更看飛噴掌中香金漿澆齒還凝
露綠葉盈盤尚傲霜萬里來通登遠舶數回細瀉沃
愁腸仙香不下瑤池實却喜今宵醉後嘗

松溪集

畫牛軸和白軒李相國 景輿韻 丙申

暮煙芳草大堤平何似鹽車峻坂程
文角耕雲應有意牧童橫篴也無情
幾年戰罷桃林卧落日牽來頽
水行擬脫鞅鞅遊物外函關西出紫雲生

槽溪山庄次上人詩軸

銀瀑懸崖上青山落照間
小亭看景物不許玉局關

其二

松雲又溪響輸與一亭閒
有時白衲至叉手談名山
夜宿碧蹄館回憶家鄉不禁潸
然述懷 以陳奏行喪兒

第四日恐慟登程

魂銷脉脉不能寐
半夜寒蟄入戶鳴
坐思羸博情何極
旅館孤燈髮欲星

松京途中次副价金子珍 南重 述懷韻

玉宇金風度秋聲
動碧山斷橋羸馬恻
殘郭夕陽還夜館
空垂淚長程且強顏
異鄉同作伴情義自千般

元韻

出郭纔三日征驂度幾山
秋風催北去臘月擬東還
報國無長策臨岐有厚顏
斜陽索橋畔愁緒更千般

玉溜石榻獨坐無聊答行臺鄭聖瑞 麟卿 所贈

木溪集
舐犢那堪慘痛哉古人猶有喪明哀封箱誰慰私情
切啓旆都緣使事催野外昏陰鴉已返客中時序鴈
初來重臨翠壁詩還就萬斛愁懷爲一開

元韻

三號羸博共悲哉上价今舍季子哀緩却行期
恩旨切急於王事使車催掌中不覺珠亡失關
內惟思壁往來蔥秀玉流稱絕勝登臨倘或好懷
開

登勝仙樓

長河滾滾抱城流政值黃岡八月秋檻外平原曾戰

伐閣中騷客幾淹留憑高望遠天疑盡把酒凌虛氣
欲浮簾捲夕陽吟獨立塞風疎雨過仙樓

宣城途中述懷

昨夜霜初下邊城草樹萎清秋風氣爽落日旅旌遲
情切延陵慟心懷宋玉悲故鄉今已遠搔首望天涯
次子珍龍川途中口號

北陸山川氣勢雄一望荒野杳無窮飄飄旌節凝朝
露索莫郵亭緊暮風塞路高低隨地理丈人詩律奪
天工殊方遠客堪怊悵幾日言旋漢水東

次子珍龍濟口號

龍灣形勝最奇雄粉堞迢迢望欲窮日暮殊鄉添客
淚天高驛路起秋風頻呼卮酒緣無賴強和筒詩愧
不工誰識邊庭行役苦夢魂長繞 玉樓東

元韻

衰年作氣更難雄欲望山河眼力窮未報涓埃悲
白首漫勞征役怯秋風羞將漕力論深淺敢把詩
篇較拙工明日鴨江三渡後幾回怊悵向天東

次子珍戲贈行臺

八月胡天落木飛異鄉何處授寒衣獨立中宵愁凜
烈莫教驄馬刷霜威

元韻

西關客路鴈初飛八月邊風冷透衣遼塞本來寒
氣早霜臺况復助霜威

次子珍統軍亭口號

畫棟臨無地黃雲密不開殊方人易老勝景句難裁
官路通燕塞歸心繞 玉臺沉吟愁獨立秋雨過江
來

鎮江露宿

北渡鴨江水羈懷轉益酸征衣關月白 王事寸心
丹永夜灘聲咽高秋朔氣寒故鄉今更遠空自淚沈

松溪集
瀾

次子珍觀獵

角鷹翻翻繞重巒
獵騎奔馳草樹間
落日荒原看逐兔
前驅已過鳳凰山

次子珍鎮夷堡途中口占

陰雲凝塞壘
煞氣遍山川
路險愁人過
溪深怯馬顛
鴈聲遼野繞
秋色故鄉連
竟日詩相和
都緣客興牽

次子珍謝分鹿肉

獵騎回來日欲曛
帳前禽血亂模糊
愧無陳子均分手
佳味休言助冷厨

冷井途中

燕山迢遞路三千
客子唏噓天一邊
聞說遼陽元我土
州閭民物想依然

遼野

黃雲陰古塞
落日照長河
野曠天無際
塵腥地不華
殘民多苦語
孤客動悲歌
停驂成小寐
魂夢是鄉家

沙河小刹

隱隱鐘聲繞梵宮
細看丹牖巧難窮
不知老衲成何事
日夜披經做佛功

廣寧

五更殘燭漫書灰小店天寒遠客哀
薊北行旌何日了海東孤夢有時回
風吹曠野黃雲散月照荒墟白骨堆
毀壘重臨增感慨此心那忍把深杯

十三山

若比高唐剩一峰層巒秀色淡還濃
應是巫閭餘幹到碧天秋野插芙蓉

小凌河

鶴野燕山禹貢分行人立馬在秋原
黃雲塞壘殘骸積白日乾坤毒霧昏
天運難回隨處恨英雄已去與誰論
悲吟獨酌長河畔寒雨霏霏灑客樽

次子珍寧遠夜坐

獨坐書灰夜五更塞天秋月半輪明
寸心自許凌霜節雙鬢還憐變雪莖
芳酒故園怊悵夢黃花旅舍寂寥情
佳辰此日偏增感煙火蕭條古漢城

登角山寺與聖瑞共賦

一望銀海接天高壯志還思釣巨鰲
萬里黃雲連月窟千尋粉堞際臨洮
雄關鎮塞形猶勝畫閣臨溟勢更豪
落日禪門歸思促聊將仙景付霜毫

次子珍清聖廟有述

殘碑畱毀閣斜日映孤城古砌苔空滿
秋江浪自生

彝倫千古正大義二人明一拜松杉下襟懷轉覺清

其二

塑像留空殿灤河帶夕陽清風餘凜凜高節挹堂堂
孤竹圍殘郭荒碑倚短墻妖氛天地滿何日薦瓊觴

又次聖瑞清聖廟口號

烈烈忠貞日競暉弟兄千古大名巍豈嫌文武唐虞
亞擬正君臣分義非牧野干戈來叩馬殷山日月去
餐薇虛庭獨拜無人問夕殿荒涼宿鳥歸

早出燕京海岱門

燕館淹留一月餘可憐鄉信半年疎征驂此日東回

首行色還如縱壑魚

次聖瑞有感飛將軍碑

盧龍塞上大途平螭首巍巍傍漢城古跡空餘雲北
去征輶謾駐日西傾英雄已遠腥塵暗天下分崩鐵
馬行寂是將軍無限恨畫圖麟閣獨嬰情

望海亭

塞天寒氣透重裘携酒登臨辦壯遊洪浪接空掀碣
石長城入海跨高樓秦童採藥何時返漢使乘槎幾
度愁昔日繁華那忍問暮潮唯見白鷗浮

到箕京聞仙娘入洛戲寄斗元

松溪集
吳宮仙女瑩如玉雲雨銷魂度幾時東風已漏春消息休秘章臺折得枝

槽溪別業醉題吳子益 始謙便面 丁酉

小亭花事晚春澗水聲多清樽猶未盡山外暮煙斜

孟夏 聖上親幸問疾感祝書懷奉進 戊戌

夢裏 鑿輿駱岫東拖紳將拜涕無窮羸容仰觀

天儀盛積病如蘇 異數崇 仙蹕恐催花巷外

御香欣惹綺筵中微臣此日知何報生歿唯思結草忠

松溪集卷之三

松溪集卷之四目錄

疏劄

請收賞典劄

請同被罪罰劄

被誣後請收賞典劄

請遞問安使劄

俞撤被逮後陳所懷疏

請收還追發之命疏

書

上書 五

松溪集

答尹承旨 善道書

與或人書

答鄭正 善興書三

與鄭正 善興書

狀啓

到沙河驛狀啓

呈文

呈禮部請解閣禁文

呈禮部請變通楮紙文

呈禮部請贖還士男文

祭文

外王考西平府院君墓 安山 樹碑後祭文

祭綾原大君文

宗親府祭綾原大君文

雜著

題槽溪步虛閣巖壁上

松溪集 卷四

目錄

二

松溪集卷之四

疏劄

請收賞典劄

辛卯

伏以臣本井蛙視聽俱晦專昧世事徒存喘息頃因
 屬時多艱脫衰銜 命伊時情事之罔極尚忍言哉
 至於驅策小勞自是臣子職分使事完了實賴 邦
 運亨泰臣於此際只自充位而已曾無一毫補益今
 茲夢寐之外 聖恩如 天寵賚便蕃撫躬自省還
 切慚覩無功濫賞 聖朝欠典冒耻貪榮廉隅所係
 臣欲貪冒人謂斯何伏願 天地父母察臣危懇亟

收鞍馬臧獲之 命以安愚分以重明典不勝幸甚
答曰省劄具悉今番之事實賴專對之得宜周旋之有
方予甚嘉焉卿其勿辭領受

請同被罪罰劄 癸巳

伏聞書狀官李光載以不能搜驗有罷職之 命臣
不勝瞿然之至竊伏念蓼貨潛帶近來痼弊人心極
巧百計蔽匿奉 命之臣誰不欲摘發而摘發之難
抑亦搢紳所共知者至於搜驗之責雖是行臺職掌
臣既忝使命之首譴罰之來烏可獨免伏乞亟罷臣
職以爲將來奉使者之戒不勝幸甚

答曰省劄具悉此非卿之任也卿其勿辭

被誣後請收賞典劄

伏以臣奉使無狀臺言指以辱 國可罪不可賞也
又况設有些少之勞專賴佐貳暨行臺籌畫井蛙之
見豈有補於其間哉雖欲冒耻貪榮不顧人之指點
其不愧於屋漏乎以掃如知識當非分任使得免
譴罰固所幸矣今此 賞典焉敢承當伏願 天地
父母亟收錫馬之 命以快公議不勝幸甚

答曰省劄具悉卿懇紛紛喜事者之言不必相較卿其
勿辭

請遞問安使劄 甲午

伏以不避夷險臣子分義雖使赴湯蹈火尚且不辭而况遼陽不遠之行敢生謀避之計自就罪戾但臣有所悶迫情勢不得不仰瀆宸嚴臣知識蔑如所見淺鮮專對異國本非所堪而適當艱虞之日不敢以是爲辭受命出疆北渡鴨水者前後九度矣至於使事關機之際唯賴佐貳之籌畫幸免生事於國家常懷恐懼若隕淵谷果於前春之行重招臺評辱國之罪固所難逭聖度包容不加譴責而尚今思惟悚慙深切今茲問安之命又出於夢寐

之外撫躬踧踖罔知攸措臣縱欲冒耻登途竭其駑鈍將何面目更立殿陛以受朝命乎設令強而行之債事生梗之患又將必至矣臣之狼狽顛倒固不足恤其於國事何其於公議何倘懷自便之計仰顧過情之言天必鑑臨萬歎奚贖伏乞聖明特垂憐察先治臣違慢之罪仍令遞改以正邦憲以便公私不勝幸甚

答曰省劄具悉卿懇既往之事不必提起况誣已辨矣其誰不知國事爲重小嫌何足掛懷勿爲控辭益用欽哉

俞撤被逮後陳所懷疏 丙申

竊惟萬死餘生得保今日莫非 聖恩攸暨子午感泣天地同大此生此世難報萬一唯思結草以答涓埃而已况伏聞昨日 筵教臣雖至庸至頑五性尚存豈不感 天眷之至於斯耶與妻子相對涕泣而北望拜手也頃於歲初俞撤來見臣極歎流言之甚惡慨然而去矣不料茲者為人所賣首發此論雖謂之非其本情可也且臣之今日所遭莫非臣滿盈攸致唯是自戒之不暇何尤乎人哉臣固知曲保之聖念至謂并斥此人然後方可以雪臣至冤臣之感

祝 恩私尤自罔涯而第念其言雖駭其人諫官嚴威之下倘殞栲掠其貽累於 聖德而添戾于臣身者當復何如臣於是區區愛 君之誠耿耿撫躬之憂自激于中敢露肝膈略陳芻蕘伏惟 聖明畱神焉積懷萬萬跡阻 螭陛草率仰 聞尤不勝惶恐之至

答曰觀書慰喜爾之厄會可謂支離矣撤也之事正是非治奸邪自是人主之職豈獨私於爾也惟當酌處爾無慮焉

請收還追發之 命疏

伏以臣今當銜命之行慘遭喪明之慟矣伏觀備忘記有曰拜表則初三日爲之而臣行姑爲遲留數日看檢喪事追及於先去之行爲宜格外恩旨曲循情事臣收淚奉讀感激于中第伏念私情雖切王事至重揆以分義固難承命況且上使之追及副价亦損事體伏願天地父母還收臣追行之命以尊體例以安愚分不勝幸甚

答曰省劄具悉卿懇惻之喪出於不意故欲爲留連數日看檢喪事劄辭如此予甚嘉之卿其依願焉

書

上書

孝廟朝下同

寒威尚嚴伏未審聖侯若何區區貢慕曷有其極第臣近得寒病彌留數日尚未快瘳故昨日邸宮誕日未得趨詣今日亦未得追謝厥罪不勝惶恐之至

御札

見書慰喜憑審有疾病云良用慮念予亦近因感冒今始少差耳不宣

答上書

異地逢春寂寂閉館祗切瞻天之懷伏承兩度

公集

卷四

書

五

抄錄集
玉札拜手奉讀不覺感涕之無從天氣漸向清和伏
未審 聖體更復若何伏不任區區馳慕之至臣微
軀粗保使事完了莫非 王靈攸暨誠甚忭幸燕市
近絕柑橘日思 故國珍味遠蒙 恩頒得沾清香
且榮且感奚啻仙宮之瓊液哉謹仍先來之行略此
修 達專對始末及回棧日期並在 啓本中煩不
敢架疊不備謹 達

御札

再昨汝老之 付送一札想必入眼否春日載陽凝寒
已解東歸之行可卜萬安他無所慮千里懷戀與日俱

深臨風願言其可云諭竭盡忠赤異人所感爲國光彩
以予嘉悅之心殆難狀焉忝人候境餘萬不宣辛卯元
月三日洞庭黃柑想必厭足耽羅柑橘是予貴產附送
如干勿笑也

上書

朝者金梯立看病時症樣雖重乃腑中非臟中云矣
午後危症漸出氣候愈就萎薈了不省人事鄭醫云
雖有輕重之殊斷是五臟之中此間悶迫之狀何以
形言古語云事不厭熟講柳醫似不可不招來相議
惶恐敢 稟紙筆病中搜索未易草率仰 達

御札

省書證勢危重至此憂煎罔涯柳醫朝已命招夜間當
為入來詳細論證俾無未盡之歎所恃者只天而已不
知為諭

答上書

意表中官來宣 天翰擊讀再三伏諭 聖候萬寧
微忱欣感何以形 達臣偶然一疾尚爾伏枕重貽
聖慮之過中惶憫之極無所容措喜雨如此而未由
拜賀尤不勝罪歎眩甚僅僅仰謝症形多少在中官
詳 達

御札

爾之所患彌留至此夜不能交睫通宵倚壁達朝咳嗽
云何以堪過即此無非為國勤勞不避隆冬盛熱跋涉
千里憂虞損心積傷而發也予之憂慮為如何哉古人
之所以燃髯灼肌良以此也忠孝之至神明必有扶相
勿藥之喜雖在不遠予不能頃刻忘于懷也今遣內官
朱希聖使之審察病色兼致予情爾宜恍若對予也不
宣喜雨如此慶孰大於此爾病亦必少蘇也

上書

伏未審夜來 聖候若何昨因曳疾入 朝未得從

頌侍坐而退私切罪恨目下事臣亦達夜慮念未能
穩寐曉雀纔鳴一札迅呈乃韓尚書興一憂國之書
也臣未敢獨見敢爲登進其中有許多措語而臣
之愚意則既發言之後自我更無用武之地我先拘
置有同先自辨別某某驅於不測之地此可謂春雉
之自鳴形勢似難只待彼之呼名而已韓又云或不
無從長可處之端而我無先事之慮因致歇後之歸
是又不然彼勅等受命之時已爲結末而出豈有一
毫輕重於渠等之手乎並附薄見以進伏未知
聖意何如俟此回音裁答伏計

御札

觀書慰喜而但所患尚不快瘳是可慮也別幅亦已具
悉而其計未妥當爾之所慮正合予意矣餘多事不宣
別紙還送卽付丙爲可

答尹承旨 善道書

伏承辱復仍審體履尚未寧和不任憂慮之至夢天
謠三篇圭復翫讀令人神清氣爽而其中深辭奧意
尤不覺咏歎之不已山庄叙懷已蒙諾矣擬略設魚
果奉別千里好事多魔未遂寸忱心之感矣何可勝
言遙慮所慎實倍恒品然而所可慰者歸旆暫停奉

晤有日竊無任欣喜之至只此不宣

與或人書

湖左天寒未審政履奚似尋常遙戀之情自不能已
令是將家超擢雖緣積望統制新命實出隆眷
喜賀之心有倍恒品出身纔逾十載陞拜海閩人間
早達造物多猜愈戒乃心以答鴻造不勝幸甚今
送金貫子一雙雖極微細是余所戴解表欣悃

答鄭正善興書

家奴之還奉書又於今日得奉晉陽華楮感激無任
今此李疏援證太甚攻人盡力終有今日之舉恨歎

何量弟兄相依之外更有族親之可恃者乎一出都
門長往湖西此別良無前期連仍宴儀之稠疊身無
少暇未得面送湖上耿耿此情唯鬼知之酒席華筵
與誰爲友願言之懷實滿于中瞻望行塵心焉如割
國忌又迫時不敢出入倘旬間啓駕會晤爲計所求
無他別物謹以山獺之團遠表情忱只此

答鄭正書

彼此俱有事故久未相叙迨恨不已白簡之發已極
無謂而至有剩說以爲罪案末路行身誠亦難矣兄
之進退已因辱示知之悉矣新構落成兄未同會落

莫甚焉彈文數日內似亦停止初七日趁早馳來如
何東行多有所議而未穩接尤用鬱陶呂聖齊已
中初試想必多事倘有餘暇則初七欲相邀傳之如
何

答鄭正書

情札仍悉起居有相遙慰萬萬弟亦無聽耳 鶴駕
歸未閱月載馳載驅兄弟相替之計與初大左 兄
主一行又於本月廿日正馬 戾止種種痛恨曷勝
盡喻 元孫許令還 國此則天祐之所致歟得聞
嫂氏帶去牙山云是否不宣

與鄭正

善興書

秋雨霏霏商風蕭蕭未審此時况奚似千里貢慕
曷有其極亡兒鞠日終晷大雨而兄終始看檢得以
完襄云感激積于中只自嗚泣回旆切擬面謝耳弟
治行二日北渡鴨水于今以後則 日下消息未由
得聞恨歎之外夫復何言臨行忽撓只此不宣

狀啓

到沙河驛狀啓

庚寅

臣等一行去閏十一月十七日到沙河驛聞清父王
訃音出逸侍女狀 啓一度付送于內官金致遠之

行遣白其日初更即為發程晝夜兼行之際衙門又
送人催促故臣潛十九日二更量到朝陽門則令留
門以入白城門及處處街衢屯聚甲兵劔戟森羅
為白暫憇于鴻臚寺館所罷漏後詣喪次入叅哭班
其日乃小完歛也二十日午後臣基祚等並為入京
入處玉河館到此探問則清父王在長城外獵所蒙
古地方前患火症猝重臨終招諸將曰皇帝年幼凡
事草創諸王及將官等須竭力王室克完太祖汗鴻
業爾等若有一毫不敬之心必有天殃矣吾新得天
下擁立嗣君冀其成長還歸政柄而坐見其太平之

治不幸身先奄沒目不瞑於地下矣吾欲罷八高山
軍兵並歸皇帝未及遂意此亦恨也吾無子息兩高
山軍兵盡屬于皇帝財產則略及家小其餘盡歸皇
帝又密言于親信將官盧時等曰八王常懷跋扈之
志吾歿後必有作亂之事汝等知而備之既歿後設
祭之時八王果欲先殺麻多會王劫制將官等乃帶
劔入叅顯有荒唐之色盧時等預告麻多會王及黃
高山將官設策協力先擒八王麾下將官四五人仍
詰問八王則八王無辭自明即奪其帶劔擁衛而來
到燕家鋪奉旨械繫中道八王之子又為載甲現捉

並爲拘囚羣臣議欲殺之清王曰八王雖死有餘罪
太祖汗之子只有此人殺之不祥只貸其命終身囚
錮于本第令甲軍圍守而籍其家產黃金萬餘兩白
金百三十餘萬兩他物稱是清王並令還給八王曰
以此積置左右撫摩度日以解其愁家屬及侍婢等
二百餘人並令入置園內富民劫屬者千餘戶並令
還爲良民牛羊田庄折半屬公甲胄馬匹盡屬該部
同兇作惡者四人卽爲斬殺其餘勿問以安反側所
率高山移屬國家其長子不預逆謀故仍前帶職次
子載甲被捉者乃清父王養子故亦減死律削其王

爵降爲貝土

是如鳥白齊

清父王秉政日久不無嫉怨之

人臨死一言感動人心上下莫不追思悲號至於新
附漢人皆亦流涕治喪一欵亦依舊清王例少無加
減喪柩到京之日清王親迎郊外未入棺前率百官
席藁露次追尊爲皇帝當入太廟是如鳥白齊三次完歛
令臣等一行並爲入叅又於本月初六日發柩時亦
爲往叅所謂完歛似是設祭進香之類諸王以下百
官及諸王夫之宮女百官妻孥皆以素服入叅惟女
人執喪杖而發柩時臣潛往于喪次與諸王一時出
往臣基祚等一行出聚外班喪柩過去時路送隨往

則喪柩所殯處乃朝陽門外五里許前夫之所殯處
是白臣潛入城之夜鄭使先待于鴻臚寺入來見臣
潛臣潛以為陳奏事急還京未數朔又此入來此間
情事不言可知第未知何以則善為結尾耶朝廷凡
事只恃爾與巴將耳鄭使曰此事極為緊重大臣重
臣雖或入來萬無成事之理故小人切望自家之來
矣今幸入來何憂事之不成乎但皇父王若在則必
有弛張善處之端事今如此年少諸王未諳曲折恐
有生梗之患以此為慮云云為白去月二十四日聞
勅使以傳訃出去欲付狀 啓懇請于鄭使則以為

國喪危疑之際付送狀 啓欲為殺人耶牢拒不從
故數行文字終不得付送極為惶恐為白陳奏一事
未呈咨文之前令譯官李馨長張炫等備陳奏文內
辭緣善為措辭先懇于巴將仍呈各項文書矣過數
日後招李馨長率啓書金殷鳴而去言兩臣事今當
蒙赦放送其姓名別紙書納以為勅書中載錄之地
此意告知使臣是如為初三日巴將加蘭博氏祈青
古盧時海太等五人來到館所辟左右只令使臣及
中使羅業李馨長入叅出示奏文拈問其中李舅盧
協等事曰此兩人以何罪名用何罰乎臣等答曰盧

李兩人身爲邊臣前後倭情隨所聞馳啓及其查問之際過生恐懼隱漏實狀不爲直對其罪甚重故並施竄黜之罰矣巴等曰盧李推問之時直陳實狀正直之人而至於用罰此何道理且盧李查問之後若有一堡一邑被倭來搶則此輩果爲罪矣不然之前豈可任意施罰乎臣等答曰渠爲人臣子告君之辭與置對之言如出二人之口如此之類豈不施罰乎巴等曰李政丞趙判書方在何處盧李兩人亦置某地乎臣等答曰李趙兩臣圍籬於白馬山城前日大通官出去時亦有見之者盧協定配於昌城李舅

則定配於寧邊矣巴等曰盧李兩人果在昌城寧邊乎然則欲自此送人摘奸四臣並爲押來一處更查得其實狀然後方可處置云臣等觀其辭色且聞自中私語之言則奏文中嚴加刑訊等語指謂盧李兩人已爲殺死屢度詳問致疑實多臣等又答曰奏文中所稱盧李施罰之事者亦出於直陳實狀事大國無隱之意今若摘奸所在之處則真僞立現豈有一毫欺罔之理乎臣等因起而更坐曰國王前在瀋中深蒙大邦顧恤之恩式至今日實多所賜今以一二邊臣失對之事至與舉國而疑之如此冤慨世豈

更有哉 國王寢食不安爲擇使价敷奏貫狀冀垂
曲恕而今反不信奏文中說話誠意未孚有此舉措
俺等何面目歸奏 國王乎巴等各自相顧少有肯
許之色卽爲起去臣等又追及於大門內跪而更請
曰 國王至誠事大終始如一而不幸遭此疑阻之
事 國王陳奏文書則歸之不信不加採納盧李恇
懷失對之言則尚爾取信致有四臣拿問之舉四臣
之來固不足恤 國王事大之誠反爲無實之歸慙
恧之懷無以自暴願巴將以此轉奏俾伸小邦之至
冤極痛幸甚巴等唯唯而去臣等聞衙門書名放釋

之奇及巴將之言方爲喜幸之際忽有此舉措未知
事機緣何變幻至此使李馨長張炫等送言于巴將
陳懇曰專恃尊公宣力苦待喜報矣意外有此四臣
拿來之舉本國伸冤只在尊公之周旋未知緣何前
後舉措有異耶巴將曰此事出於皇上之命自下無
容議爲但盧李竄黜在於何月答以五月間勅使未
渡江前定配矣巴將曰然則好矣此處意謂本國見
甫大平古所賚勅書之後欲爲發明之地先爲定配
隨後陳奏矣果在五月則以此明曉當告于皇上事
必順矣仍曰本國奏文只舉冤枉哀懇之狀而已何

必以盧李姓名及嚴加刑訊等語形諸文字惹起疑
端乎至於鄭太和姓名已入於前奏文中又何必舉
論乎若有更問之舉則其能免生事乎奏文中若無
如此說話則少無見碍之端而爲無益之言致誤大
事極可歎惜此後凡事須十分操心爲之又曰盧李
兩人分明生存乎萬一不實則首譯當死是如爲初
五日早朝巴將使李禘石傳言于臣濬曰昨日所答
盧李生存五月定配之事及大門內跪懇之言告于
皇上則好爲完結俺等卽當進去先報喜于大君云
俄而巴將以下五人來到館所令臣等跪而以王命

傳言曰前日問盧李事者勅使查問時直陳實狀之
言指爲拒朝命而罪之不可故欲知論罪曲折而已
此必出於當國首相之所爲定非 國王之心也前
日降勅時朕將備之等語渙然蕩滌朕不介意 國
王唯當務盡誠敬益勤侯度且前日被罪如金尚憲
崔鳴吉李敬輿俱是一體人而別無收用之令矣曾
聞勅使甫大平古之所言則李敬輿方爲首相呈文
伸冤時擔當爲之其餘所爲事事誤錯云今此盧李
論罪奏文措語之失當必是此輩之所爲李敬輿之
罪極重當死而朕新服景命大赦當前今姑寬貸李

敬輿永不叙用使之退去田里李景奭趙綱所當拿
來質問而亦姑置之兩人並放釋永不叙用盧協李
舅並放釋依前收用云云臣等更起而謝曰恩諭至
此無以仰對唯當歸報 國王矣巴等曰此等事當
詳載于勅書中而念大君用慮故如是宣傳皇命耳
又以主命傳言曰 國王之於大國豈有不如前日
之事相好之意至於今日已傳三代朕亦豈可不如
前日乎但本國朝臣不良每每誤事此甚非矣自今
以後大君一年一度入來則在我無疑阻之事其在本國臣民不良之輩亦有畏戢之心矣臣等曰亦當

歸報 國王矣仍言曰大邦恩德實舉國所感何能
仰報略致叩謝之禮彼五人皆有喜色向我有致賀
之意其自功之色可知是白今番之事已鄭極力周
旋終至無事盖有由焉槩清父王生時甫大平古回
來復命曰 國王覽勅書未訖顧向臣等而言曰因
邊臣誤對之舉有此意外之事積年誠信壞于一朝
矣縷縷辭意至為懇惻且言李景奭等俱是 先朝
大臣欲加之罪情理矜憫云云則清父王莞爾而言
曰 國王事大之誠吾非不知而新立之初恐有朝
臣之弄權如是責勵欲令立威於國中矣今聞此言

先朝大臣加罪矜憫之說誠是矣大君今將入來云
若然則當有善處使 國王生輝於一國如是云云
乙仍 巴將加蘭祈青古盧時等與聞此言及到今日
皆以為證故彼亦信聽得有今日之喜皆是巴鄭之
力是白 李馨長晝夜焦慮至忘寢食傳言於巴鄭之
時隨彼所言不失機關終始擔當以致無事於 國
家得脫三臣於死地其為 國盡誠之意極為可嘉
鳥白 軍官申晉翼譯官張炫梁孝元韓之彥方以敏
乎 方孝敏金天起李芬鄭忠一等或與李譯同力周旋
或無獎輸納許多方物而其中張炫申晉翼方以敏

救解三臣時終始周旋奔走勤苦少不減於李譯是白
齊 初九日鄭使以衙門分付來傳於臣溜曰年例中
使持來鷹連勿如前日苟充以送今後抄送時京官
八月下來濟上另擇俊骨九月習放十月晦間入送
而如有如前無用之物則當須退送該道該邑監司
守令當有重罪梨柿頃雖姑罷今年為始各三萬介
式擇好封進宜當此意言于大君者欲其傳告 國
王着心舉行是如為 正朝陳賀因喪不行十二日以
清王親政諸王以下陳賀亦令臣等並入叅皆使吉
服品帶而得聞我 國延勅之時上下皆當用吉服

勅使時七處迎餞慰京中宴享讎禮等事一從丁丑以後定式施行云今番勅使以親政頒赦出去此後又以清父王追崇祔廟女后冊禮舊清王元后祔廟等事當有二起勅行云女后乃蒙王之女定於十六日親迎而以國喪或有進退云所謂元后乃舊清王大夫之未及祔廟今始舉行清王亦有生母必有次第舉行之典前後勅行似不特四五起言念我 國憫迫之事臣等方使李馨長另為周旋期於兼行而未可必以是為慮是白此中事情詳細聞見道路之說雖不可盡信清父王在時凡事自斷全尚寬大不

喜殺戮故漢人咸戴至於我 國事亦多留意勅使往來之際常加戒飭今則異於曩時幼王在上麻多會王獨當輔政此人年少氣銳勇力絕倫頗有聲望而氣勝驕亢恐難得其歡心清王親政之後日再聽政與六部尚書論覆庶事年雖少頗有驚人之語而事務察察愛惜財貨賞賜不廣云云盧時者乃清父王時用事者也為人倨傲慢侮諸王招權放橫故人皆嫉之請正其罪則清王曰此是皇父王倚重之人到今殺之必疑朕與皇父王有隙其赦罪復官十王之子亦清父王養子而年纔十歲清王謂曰吾不幸

早孤蒙皇父王養育得至今日我之情事與汝何異
汝與我同居闕內衣服飲食必與共之庶報皇父王
養我之恩云云為白各省土賊征討等事別無所聞
而我國方物呈納時譯官輩見之則南方橘柚之
貢堆積禮部庭中或納大內或分送諸王處云以此
推之則南服之無事可知是白侍女還送皆出於巴
鄭乘機周旋故臣等使李馨長備陳本國波蕩形
勢巴鄭皆以為前頭之事雖未可預料俺等當極力
周旋云誠為多幸為白唯只巴將等傳命之時領相
李敬輿無故被罪事狀及臣潛逐年入來之說臣等

非不欲陳其悶迫情勢而彼既以主命來傳若以齟
齟說話彌縫為白如或生梗有意外詰問之舉則不
如不為故只自憫慮為白今番勅使禮部尚書阿何
里哈內院學士車破回大通官韓巨元李一善衙譯
二人及從人二十人十六日起馬行期甚急乙仍先
來軍官等比前加數軍官金汝老金馬龍申漢譯官
徐孝男出送為白讎禮宴享等事終不得周旋勢將
預備以待為白是長於詮次善啓

呈文

呈禮部請解閣禁文 癸巳

謹呈爲憫迫情悃事竊惟小邦久蒙大國不世之恩
年年奉幣之行闔無阻焉物無禁焉出入交易不小
拘碍逮至今日遵紹舊制凡係通接便臣之節毫髮
無差小邦於此益感終始眷恤之至意矣一自辛卯
以來事頗異前重門牢鎖監護太苛此豈貴部體奉
盛典之本意哉小邦元來地瘠民貧土產甚些專賴
上國許令通貨俾資公私之用如藥料匹帛等物往
年節使之來旣蒙惠命準許換買而獨闔禁未解內
外阻絕至於餅麵沽入之際亦有搜驗之舉其爲憫
迫當復何如且念書冊當代史外本非禁物而混被

沮抑其在大邦同文之治恐有所歉然者唯望貴部
另加量察趁卽轉奏得使闔禁少撤以遂卑職等祈
懇之願千萬幸甚

呈禮部請變通楮紙文

甲午

備陳切迫情悃冀蒙裁察事竊惟小邦國弊民貧且
尠物產自夫瀋陽往來之初已蒙大國鑑燭實狀酌
定歲貢俾從簡便小邦君臣竭力盡心恪謹修獻殆
將二十年所逮至今日又荷眷惠之深凡係小邦弊
瘼有願輒訴有訴輒施至意所在莫不感祝但歲幣
中弓角一種元非本國所產故從前轉買於異國可

合奉獻者絕無而僅有頃於使臣之來移咨陳弊實出於不獲已矣幸賴曲賜顧恤特許代以楮紙愈切感激方務精白而第又有切迫之端茲敢不避煩猥畢陳情悃伏惟閣下垂憐而恕察焉弊邦楮紙之產唯獨南方數邑恒貢紙數猶且不贍每患難繼而弓角之代又至累千况值連歲水旱楮種不敷既剥其皮又及其根其根若盡復將焉求以土物代異產言之似易其難倍蓰倘未繼封罪實難辭知而不言厥罪尤重以此我寡君日夜焦慮恐致生事矣纔籲蒙納旋又陳弊揆以事宜實所未安而卑職與他朝臣有異目見寡君之焦憫躬荷大國之殊遇而若以猥越爲嫌終至泯默而歸則是以疎遠自處而欺心曲也敢將尺牘干冒嚴威唯願貴部具由轉奏奉以周旋特加軫念隨便變通千萬幸甚

呈禮部請贖還士男文

謹呈爲懇惻情悃事工部屬丁丑入來鮮民士男本是卑職乳母之子自在孩提尋常在側抱負以從蔥竹與戲曾於丁卯大軍壓境事急呼吸獨負卑職徒步避兵義雖僕隸恩均骨肉丁丑之兵未免俘擄頃在瀋陽大邦矜念特垂愛恤解衣推食凡有告

訴輒蒙施許但士男手織帑蔽之錦緞既有職任渠
不敢生意東還囁嚅不發者久矣且有阻擋終至滯
留逮今山河一統百工雲集尚方織錦之徒厥數既
多又况士男眼暗停工便是無用之人想惟大邦地
異心同恤老除役似無彼此之殊竊欲備陳情悃冀
蒙大邦曲念之恩而九門隔遠何以仰籲伏願遵前
贖還之規納銀度支以助軍需許令帶得東還以酬
其功曷勝感幸更乞貴部俯察哀憐敷奏實狀俾遂
瘞骨故土之願千萬幸甚

祭文

外王考西平府院君墓安山樹碑後祭文

舊隧多艱奉遷月里思言如昨倏已廿祀嗚呼惟我
外王父忠孝德望神人咸慕子姓凋零誰感霜露是
豈天理抑緣于數然而誕頽陰祐香火重續既奠塋
土有苑楸栢嗟惟往者豐碑未樹載簡令辰工徒是
聚螭首龜戴屹若砥柱名門慶福 聖澤輝揚某粵
自弱冠跡滯殊方徒增悽愴未薦馨香幸際斯役仰
伸微誠倘其不昧庶歆洞觴

祭綾原大君文

嗚呼哀哉惟靈金枝膺休玉派流光忠孝行篤敦睦

譽彰其粵自孩提最荷眷愛奉袂周旋庶幾百載自古爲善受天之賜云胡一夕微疴爲祟旣豐其賦終嗇其壽嗟惟壽筭五十有九鳳輦臨殯百僚會哭寔緣古典恩榮郁郁嗚呼哀哉琴樽故宅芳樹悽涼拚遊往事奄一夢場撫古傷今若割寸腸欲哭還吞欲言先咽流光如駛遠日云卜瞻彼牛岡蒼蒼松栢風流行懿九原永隔雨濕丹旌煙沉古郭一哭來奠靈闈寂寞魂若有知尚歆河酌

宗親府祭綾原大君文

嗚呼哀哉惟靈玉枝金幹雅操冰心爲善是慕令德

超今惟德惟報天道之常云胡不壽奄嬰膏肓是豈天理抑緣于數每想音容刀剗肺腑嗚呼哀哉某等俱以不才忝在一府發號施令啓掖適普情是至親義則同隊萬事陳迹悲懷曷喙一哭靈闈涕淚霑巾靈若不昧庶歆明禋

雜著

題槽溪步虛閣巖壁上

飽聞三角銀瀑不讓廬山未探其真歲丙戌暮春偶遊槽溪尋得仙區一道飛流名實不爽於是塹山堙谷創構亭臺儘清絕時或持琴壺吟風月沐浴瓊波

松溪集

逍遙玉洞閣曰步虛堂曰永休於乎千百年過畫棟
雕甍縱未嵬峩終不泯者其惟石橋銀瀑乎

松溪集卷之四

松溪集卷之五目錄

燕途紀行上

總叙

目錄

起丙申八月初三日
至八月二十一日

松溪集

卷五

目錄

松溪集卷之五

燕途紀行上

總叙

庚辰閏孟春挈眷質藩辛巳孟春還

朝時公行爲昭顯世子

歸觀替質入藩而世子還藩後清國又許廟出觀故公仍留待孝廟還駕始爲還朝

壬午仲夏以錦州出降進賀赴藩仲秋還 朝副貳

右尹卞三近行臺持平洪處亮也

癸未季秋以清主喪進香赴藩副价秋部尚書韓仁

及行臺中書舍人沈東龜也孟冬余扈今 上廟

潛邸時 暨 昭顯從清人獵於建州之牛毛嶺嶺卽

渡遼時吾東營將金應河歿節地陰山大獵縱云

壯觀露宿霜雪驅馳冰路喫盡苦狀還到瀋陽同

伴則許以東歸獨余一身替質未旋又令挈眷以

來翌年甲申春北人聞 大明已亡傾國犯關余

奉 昭顯俱在戎伍中余以病劇未從其行吳帥

桂 三 開關流賊風靡北師一戰燕京已定 昭顯返

駕戎陣今 上回 馭故國矣仲秋 昭顯及今

上復從清王轉向燕山余則惆悵東歸

乙酉暮春 昭顯永還之後以河北平定進賀赴燕

副貳天部尚書鄭世規行臺應教成以性也路值

今 上回駕湛樂數日於瀋陽轉入燕都聞 昭

顯哀訃倍道旋旆閏季夏還 朝

丁亥孟夏以頒赦進謝赴燕季秋還 朝緣歲幣半

革深蒙 殊恩副价都憲朴遜行臺應教金振也

庚寅季夏以錦女事奪衰仁廟大喪時 赴燕季秋還 朝

副貳天部尚書林壇行臺執義李弘淵也

庚寅仲冬 國事孔艱慨然請行以三臣相臣李敬

臣李景奭判書趙綱安 陳奏暨元朝節儀一歲再

赴燕京其間在家纔一月矣辛卯暮春竣事還

朝便蒙 殊渥副价地部尚書李基祚行臺中書
舍人鄭知和也

辛卯仲冬以頒勅進謝暨元朝節儀赴燕壬辰暮春
還 朝副貳大司諫黃屎行臺司諫權堦而回灣
副貳聞有長沙之 命非使事也

癸巳孟春以頒勅進謝赴燕季夏停勅行仍帶勅書
還 朝亦被 恩渥副价都憲俞檄行臺即李光
載而及歸李之誣捏無人不遭幸賴 天日照臨
旋雪其冤

甲午仲秋清王東歸省墓以問安使赴瀋行臺司諫

沈世鼎也到箕京北報漠然移節降仙以俟真傳
聞其停駕仍爲還 朝

甲午仲冬以冊封進賀赴燕乙未暮春還 朝副貳
都憲李一相行臺即沈世鼎也

丙申八月以搢紳罹禍差陳奏正使赴燕京副使戶
曹叅判金南重書狀官栢府掌令鄭麟卿也十二
月還 朝而時有領議政李時白等十六臣宥罪
及勅行停止之事故一行並蒙 恩典

此錄于 乘此條以家
乘所記補

丁酉仲夏以焞黃謝罪事借謝恩使右相元斗杓副

使右尹嚴鼎者行臺執義權大連鱗次赴燕孟冬
還 朝使事完了成者減律以是兩行俱被 殊

恩是役也三伏在途八旬留館不服水土僅得生

此條即公之追記於紀
還行之末者而今茲移錄

日錄

粵惟丁丑之兵 邦運不幸 乘輿去邠江都淪沒

萬姓魚肉于是時也余奉令 上久在虜陣 宗社

安危間不容髮及夫南漢議和青丘賴安而今 上

暨 昭顯世子竟未免沙磧之行余獨扈 駕還都

北望遼山只切飲泣之情歲庚辰替質遼陽年甫弱

冠去 國悲懷瀋水俱深於是或奔走于戎馬或辛

苦于楚囚寂寂蠻館與愁為隣空抱蘇武之節旄日

望上林之歸鴈至甲申 大明云亡北師入燕武關

之質縱解星槎之行尚繁夏令炎熱冬日霜雪行役

艱苦殆非血肉所堪至或奪衰作行未暇從禮生丁

不辰胡至于斯耶半生他鄉風餐露宿積痾纏身而

王事鞅掌年年北征賦命奇釁胡至于斯耶艱危之

時鞠躬之瘁叅以分義固不足恤以此管見屢當關

機專對債事理所然矣纔一返禮誣謗隨尾身世多

舛胡至于斯耶今年又因北塞開釁搢紳罹禍陳奏

命復屬此身簡日奉表載馳長程處事茫然與
天同闊而况臨行慘遭季子之殤未號羸博抑情登
途暮投虛館獨倚羈榻殘燈明滅愁緒萬千自酌自
傷屈指細思自庚祖丙北渡鴨水十有一矣廿年征
役縱緣北使催迫間有自 朝廷命送瀝血陳懇敷
奏情悃 俞音猶秘 温綸反降倘罹誣謗旋雪其
冤中心感激圖報無路庶幾盡瘁以酬萬一官路三
千亦嘗聊以是自慰也曾前往返適多事故耳聞目
擊一未紀述年代既久則此間情景其誰能知以故
行邁暇隙撥忙起懶略紀陰晴之外又將使事本末

逐條並列山川程途風俗景物率以備焉觀者其憐
之矣乎

丙申八月初三日戊寅晴遲明謁家廟

公繼叔父綾昌大君後奉 哭喪次仍詣 闕日上半竿俟時至偕副价

祀於家 以下奉表而出鼓樂前導百僚後隨出崇禮門到
盤松池邊大設帷幕公卿畢會遂入叅查對禮禮
畢出憇私次知申事申濡天部亞卿金佐明水部
亞卿鄭致和來見叙懷於是脫朝衣乘驛騎從館
後小路武舉方張故也駐馬沙峴已有回首之感
抵弘濟院宗人密山君以下三十餘東西分坐把

酒以餞是宗風而慶平君亦來病人遠將郊垌良
可感也厨院提調秋部亞卿尹順之宗簿提調三
宰吳竣各設祖帳以別蓋舊例也宗親府緣堂上
有疾只郎僚設杯盤餞罷又與大諫吳挺一應教
吳挺締前正鄭善興翰林呂聖齊輩十數親舊握
手慘別仍屬亡兒送終諸事自不覺嗚咽淚下欲
其省樊畿伯趙珩許令落後向晚乘轎就路一行
卽副价地部亞卿金南重行臺栢府掌令鄭麟卿
護行中使嘉義高禮男裨將五員折衝前郡守洪
汝漢掌兵房折衝李敏中掌戶房堂下前縣監李

伸掌禮房前萬戶金汝俊掌工房前萬戶崔貴賢
掌馬監舌官十一員首譯嘉義張炫上通事嘉善
趙東立前正崔振南女真學嘉善徐孝男上使乾
糧通政韓之彥別獻領去通政梁孝元公事掌務
前僉正卞承亨副使陪行通政朴而截乾糧前正
申益海行臺陪行前正方孝敏押物清譯金興益
太醫二員 御醫前主簿朴頽針醫前主簿安禮
畫員權悅外司醫員卞爾珩寫字官劉義立副使
軍官前主簿李昉出身朴斗南行臺軍官習讀官
鄭祈昌也 大殿別監南爾極栢府書吏李義信

內局書員廉孝翼蒼頭命男等五乙生等八也過
弘濟院石橋踰綠磻峴至梁撤坪昔日禰裨中曾
仗旌旄者李壽昌黃道昌朴河柳檀李後漢五人
來別歷磚石峴過 昌陵撥渡德水川石橋踰礪
峴涉新院木橋陟介倫峴薄暮到高陽郡館于碧
蹄館郡守柳後聖支持是行也七月晦前一日慘
遭喪明之慟 聖上惻憐情事表文初以初三日
命副使先爲陪去余則看檢喪事追後發行馳及
副使爲 教而竊念私情雖切 王事至重抑情
陳劄今日借發這聞心懷非比前日之行獨倚旅

窻想像家事愁緒悲情尤難自抑是日行四十里
初四日巳卯晴曉發別親舊因付家書催駕雙驂陟
惠陰嶺歷雙石佛渡廣難木橋義僧伐石鳩工方
排石橋踰馬山驛後峴午到坡平館點午牧使閔
晉亮支持少憇帶若干員役由梨川路往謁 長
陵因莎草改理禮曹叅議蔡忠元等鳩工運莎遙
瞻 象設舍哀展謁日暮還到坡平交河倅吳挺
柱自任所馳來終日叙懷是日朝行四十里夕行
往返約四十里

初五日庚辰晴晚發涉臨津以舟津源出北關安邊

本海集
府與麻田郡大灘合流爲臨湍西注四十里交河
縣烏島城前漢水合流注于海自臨津過東坡驛
從間路抵長湍府梧木館點午府使金體乾支持
都差員坡牧閔晉亮因長陵有役許令落後午
發過招賢撥渡板浮川木橋暨天壽院石橋橋名
吹笛松都吏胥來候過沙川木橋到荒城南畔畱
守崔惠吉出候從水口門古基入渡橐駝橋歷南
門前路渡大平石橋館於別館館是大平館東新
構而府城西門外也松京舊都城郭殘夷壯氣消
磨第閭閻撲地人民猶盛率以買賣爲業家制與

漢陽不同短椽築壁渾無北牖恍如中國之制無
乃麗朝時華人滿國因緣學成永以爲俗耶所經
州府館舍湫隘僅僅經過今到是地館宇宏敞爲
王畿寂且節孝旌門相望巷口亦可見舊都遺風
也灣上軍官出身金孝源來謁使之陪行松京卽
其家也是日朝行三十里夕行四十里

初六日辛巳晴曉發復渡大平石橋從普正門古基
出歷延賓館館是前朝迎詔處也過高麗太祖王
建墓抵青石撥幕路右有小逕卽朴淵路也到豆
石隅自此海西界郵人來候過金郊驛舊基午抵

金川館點午監司任義伯路上都差員瑞興府使
金慶恒驛馬差員金郊督郵呂孝曾方物差員兔
山倅鄭暹支應差員金川倅李廷相來候柳海州
志立鄭白川鎰借王倅出待自此替把海西駟騎
京畿驛馬差員朴振禧辭歸前新溪太守金垈自
海州村舍來訪又與監司從容叙話爲慮厨傳之
太繁偕金川倅使之落後護行中使爲覲其親辭
往平山過金川郡踰奪靡是峴渡五助川木橋到
猪灘寒波咽咽橫橋圯毀以舟而渡撥幕邊設帷
帳平山倅郭之欽來候少憇俟人馬畢渡拂衣上

輜陟漆嶺過金巖坪登金巖峴金巖古郡號其基
尚在云峴西草莽間豐碑巍然廼 明朝詔使翰
林編修姜曰廣王夢尹去思記令人起感夕抵平
山府館于水豐館谷山倅尹宗之偕王倅出待延
安則府使鄭楹罷遞只吏民出待京畿方物差員
良才督郵任暎替付方物辭歸京中刷馬人夫等
告歸寄家信是日朝暮俱行五十里

初七日壬午曉霧晚晴早發過古山城底踰石隅峴
歷寶山驛涉寶山大川以橋過石隅撥午到蔥秀
山點午站雖平山界兔山倅及信川倅柳晉三遂

安倅李斗鎮出待少留館舍下憇玉溜川石榻石
勢參差聳出于上川流清絕環遶于下誠一奇觀
但緣節早紅葉未爛是欠削壁危巖華人浪留翰
墨深刻填朱曰玉乳靈巖卽翰林侍讀劉鴻訓所
題曰玉溜泉曰聽泉仙榻卽翰林編修朱之蕃所
書曰懸珠卽太監盧維寧借筆曰玉乳曰珍珠泉
卽副摠兵程龍所題摠是 大明詔使也最高處
太監冉登刻其像今已剝矣獨坐石榻感古傷今
無以爲懷行臺吟送長律一篇立人卽和午發踰
葛峴過陰山陟小車踰峴歷安城撥暨屏風巖北

望山城粉堞崔嵬橫帶夕陽形勝壯麗真可謂大
關防丁丑之兵瑞興之民賴此以存云矣夕投瑞
興府館于益損堂乃前倅權躋損上益下而爲治
處也載寧郡守金興運新溪縣令安廷煜偕主倅
出待路上都差員瑞興倅辭退路下都差員鳳山
郡守辛喜季來謁初更中使自平山追來是日朝
行三十里夕行五十里

初八日癸未朝陰晚雨早發渡土橋暨大橋土與大
是橋號而兩橋皆木踰大車踰峴歷西山撥暨興
水院過古劔水已抵釗水館點午站雖鳳山界文

化倅李玠殷栗倅嚴聖耆長連倅李元墀出待自
入海西駟騎反下畿驛殘疲特甚所乘雙騾未免
中路頻顛雖杖驛吏更無奈何冒雨午發過劔水
撥歷大松樹曾前炎程作行取陰休憇處也至舊
站坪西有一廢城盖鳳州古邑也夕到鳳山郡館
于對鳳軒卽太守東閣也長淵府使權井吉偕主
倅出待松禾倅金宗沈是頃日厨院郎僚而以考
績居下只吏民出待關西方伯柳滄馳送禪將以
書問安奉復狀初更量蒼頭秀一自京馳撥傳家
信修復書方物差員病以長淵倅代行都差員辛

喜季聞有奪告身之 命不敢莅職辭退是日朝
行四十里夕行三十五里

初九日甲申乍雨乍晴早發踰大洞仙嶺北望正方
山城粉堞崢嶸是廼丙丁年間賊臣金自點開幕
府處也憇舍人巖歷古石撥陟小洞仙嶺過梨隅
抵漁沙木橋川邊節度使鄭檝出候從黃岡南門
入雉堞頽毀已作廢地不由客館大路先從捷路
登勝仙樓樓是黃岡東敵樓前節度閔震益所重
構云遙見曠野茫茫大河抱流閭閻櫛比樓臺縹
緲夕陽疎雨隱暎秋山倚欄移時便有悠悠之思

俄而黃岡妓十數成羣並進樓前以身有重服揮
却以退沿路諸邑皆不許聲妓之游今日所經嶺
路因達夜風雨泥濘沒脚人頗困憊暮投黃州府
館于齊安館館宇雄偉額以西門鎖鑰通判具峯
豐川倅李箕男出待安岳倅徐弘履受由歸家吏
民出待初昏鄭楫略設酒果來餞行數杯罷是日
行四十里

初十日乙酉大霧晚晴平明發行從城西門出過俞
令坪暨貯福撥抵駒峴峴是關西界郵人來候清
南都差員陽德倅金興祖來謁午到中和府之生

陽館點午達夜雨下泥路沒膝其苦倍昨巡察使
柳滄清南夫馬支應差員中和府使金壽海方物
差員德川郡守洪錫武清南北驛馬差員魚川督
郵金澄來候祥原郡守李公望偕主倅出待海西
方物差員長淵倅驛馬差員金郊督郵辭退自此
替把關西驛騎與巡察使接膝寒暄仍叙敦睦之
情始聞京洛有逆變之奇午發渡萬歲石橋過冷
井暨胡墳歷栽松亭亭是舊稱而毀於丁丑之兵
云渡永濟橋橋是石樹碑記號自橋抵大同江津
殆將十里紫榆成林影蔽斜陽江流蕩漾漁舠點

列况如畫圖中到大同江一名王城江源出寧邊
府界暨陽德縣文音山西流六十里抵龍岡縣急
水門入于海巡察使自中和先來與都事李曾通
判崔寬艤船待卸轎乘船與巡察略飲數杯以禦
江中寒氣及岸以肩輿由大同門入館于平壤府
之練光亭龍岡倅李齊運偕本府通判支持俄而
巡察暨副价行臺俱來略行數杯而罷時纔上燭
月色婆娑於江中漁火明滅於沙渚無限光景聊
慰客裏愁懷海西方物差員豐川倅辭退是日朝
行六十里夕行五十五里

十一日丙戌曉霧晚晴畱昧爽梳洗洞開八牕俯瞰
前江曉霧橫渚羣娥浣紗是亦佳賞日晚風起霧
散雲收徘徊獨立試觀風景畫欄臨城勢若浮空
大江抱回波光如練沙頭噉噉之鴈野外點點之
山多少物色極其清麗第一江山名不虛得浮碧
樓望酒巖皆列直北江岸錦繡峰乙密臺峙于浮
碧之後箕子書院暨井田在于含毬門內箕子墓
在於普通門外德巖盤於樓下江渚朝天石沉於
長慶門外江心永明寺文武井並在於浮碧下武
烈祠在城中卽壬辰東征唐將畫像處也城本王

林漢集
儉城雉堞頽圯已就廢荒而閭閻撲地人民繁盛
商賈輻湊物力雄富真關西第一都會也樓中懸
額有二樑上草書廻鵝溪李山海所題楹外楷字
是石峰韓濩所書也蒼頭孝達自京馳撥傳家信
修復書撥送牢子

十二日丁亥晴巡使持酒果來餞略飲數杯而罷巡
使聞副价與行臺俱上浮碧辭而馳去俄而畫角
三吹行旌已整乘轎發行抵大同館前副价行臺
暨巡使縱不敢直請顯有邀致之意同游厚誼似
難浼浼從長慶門石路登臨浮碧與副价行臺從

容叙懷略行酒杯乘轎由錦繡峰底達于竝峴巡
使與都事通判設幕以待入坐乍話又把數杯今
日三處所飲還秋露將二十餘觥歷胡墳過赤峴
暨斧山峴抵斧山撥酒氣漸昇神氣頗昏初更歷
水村坪到順安縣館于安定館主倅沈之淹出候
成川府使李志安有病只吏民出待是日行五十
五里

十三日戊子朝雨晚陰巡營軍官南斗北馳驛問候
晚發冒雨登程歷古城基渡暗致川大小板橋過
鄴下撥踰鄴下大小二峴由稻梁坪渡館前板橋

午到肅川府館于肅寧館王倅南淑江東縣令李知白支待是日行六十里

十四日巳丑自夜至朝雨下如注埃小歇晚發歷道傳山到雲暗撥快霽過長坪歷新院北京陪行兵營軍牢六名來現院是客店籬落稀少未到安州由南門入館于百祥樓之三清閣是樓邊寢房也節度使李枝馨通判閔點三和縣令姜璵支待是日行六十里

十五日庚寅晴晚風留撥傳天書是日廻二兒永窆只自悲黯江樓風景反歸寂寞之濱斜陽倚欄

眺望遣懷鐵瓮

寧邊藥山

北峙遙爲倚角薩水西流

以通漕運粉堞崢嶸敵樓縱橫以當西北之要衝誠關防之喉舌此乃丁卯之兵節度使南以興死節處貞忠毅烈令人想像香岳遠拱大野無際畫閣巍巍迥臨無地氣象之豪雄與練光之蘊藉大相不同疑如文武之異道而閭閻人物極甚富盛亦伯仲於箕京矣樓是麗朝恭愍王所構而三清閣將圯前節度鄭楹重修云百祥樓額迺恭愍王華蹟也北門外有七佛寺諺傳隋皇楊廣大發天下兵征高麗六師抵薩水未渡有七石佛化爲神

僧從深流不揭以渡隋兵疑水淺驅兵以進前鋒
沉水軍聲已亂守將乙支文德縱兵大擊沉百萬
師于江中以故創剝以祠七石佛尚今列在於晴
川江邊江在城西底一名薩水源出江界狄踰嶺
南與香岳水合流百餘里爲晴江廣通院下又與
大定江合流百餘里入于老江前洋夕蒼頭江赤
自京馳撥來傳家信始聞誣告凶人鄭忠吉正法
之奇行中寫字官劉義立接于閭舍夜失數百金
節度使搜捕可疑人只推其半劉達夜號哭觀者
憐焉明當倍道以抵定州故方物差員德川倅領

方物先送嘉山

十六日辛卯晴從撥來蒼頭等告歸奉書 螭庭寄
家信早發抵晴江通判閔點艤船待促櫓飛過北
岸上節度使設帷帳以酒果來餞偕副价略飲數
杯清南都差員陽德倅金興祖夫馬差員中和倅
金壽海辭退催駕發行過息浦石橋歷廣通院撥
抵大定江邊自廣通院至江邊是博川界嘉山倅
洪有量整船以待渡江少憇控江亭墟帷幕大定
江古號有二一迺蓋泗江一是大寧江朱蒙自北
扶餘南奔此江魚鼈成橋利涉以故名源出昌城

府浮雲山南注爲此江西流十數里廣通院下復
與晴江水合注于海發行踰九小峴抵嘉山郡之
嘉平館點午清北都差員寧邊府使柳汝糧方物
差員雲山郡守金國標支應夫馬差員泰川縣監
洪傲禹出候甌山縣令李煙偕主倅出待魚川驛
騎不唯欵段多不從令招致督郵面責已發從嘉
州山城登曉星嶺形勢奇崑可作關防而尚今棄
廢人頗惜之古路在於最高山頂其險無異羊腸
歲壬午方伯沈演欲通牛車新開此路道途平夷
民頌其德踰新峴渡石橋抵納清亭秣馬亭是定

州南界橋廼亭前跨流牧使金鏡德川郡守洪錫
武出待亭下大川抱流柳杪成陰景致蘊藉申發
踰歸正遷暨茄子踰峴歷茄子踰撥陟大白峴觀
海登小白峴暨大石傍峴過柳筒堤堤是儲水灌
漑處踰小石傍峴渡達川石橋橋南北俱樹石碑
迺義僧創橋頌功者日晡從定州城南門入城則
毀廢館於新安館館宇宏敞爲兩西最主倅與德
川倅支持頃在順肅日氣和暖自渡晴江風色漸
冷極目蕭索邊塞光景令人愁沮灣上軍官折衝
白勝潤前權管金秋立來謁仍爲先去夜深劉義

立並推矢物追來是日朝行五十里午行三十里
夕行四十五里

十七日壬辰晴早發由城北頽毀處出是亦往來之
路也踰大小唐鵝峴迤凌漢山城底城高萬仞堞
倚半空形勝無雙而曾在兩丁之兵摠自潰不守
此所謂地利不如人和也渡四松石橋已到雲興
館點午館是郭山界郡守黃浩殷山縣監康時省
出待郡衙在西南十里外云午發踰國師峴渡東
路石橋橋邊勒石紀義僧創橋功又有一碑頌郡
守灌溉之德登松峴望身彌島歷梨峴撥踰梨峴

未到宣川府館於林畔館府使鄭漢驥偕寧邊倅
支待以重試迫近魚川督郵許歸撥傳家信修復
書日暮天陰大雷是日朝行三十里夕行四十里
十八日癸巳晴曉霜晚風早發踰國師峴抵隴建坪
西望劔山城山峻城高是亦關防地丁丑之兵兵
民賴而全云過清江撥踰清江峴渡清江石橋歷
東林古城底登城峴已到車輦館點午館是鐵山
界而府使金益厚以中江開市差員赴濟兼任宣
川倅暨价川倅崔後憲出待雲巖山城在館西南
二十里粉堞連天地形險惡丁丑之兵其民亦賴

而全形勝與龍骨相甲乙府衙在城西云聞疇昔
連抱松樹彌滿館前戊午年間都督毛文龍駐扎
椽島盡斫爲船今則無矣已發登自作峴望海島
踰險峴是古城基歷柴口隅未抵良策館館于館
南聽流堂館是龍川界府使李廷立博川郡守崔
克雋出待府衙在於館西四十里云堂前小川橫
流故以聽流爲號堂下儲水養魚岸上翠壁楓葉
半紅黃花爭發氣象蕭洒移步泉石之間釣魚把
酒古人所謂浮生偷得半日閒者是也灣上軍官
金汝老任義男金得鎰金俊哲來謁仍爲先去是

皆灣人是日朝行四十五里夕行三十里

十九日甲午晴早發北風蕭蕭日氣頗冷恰如洛中
孟冬節候邊塞寒苦可想登自作峴西望龍骨山
山勢倚天山城周遭翳而不見丁卯之兵清北列
鎮俱陷獨龍骨守將鄭鳳壽戰勝城北古壘基府
衙在云歷明州坪明州卽古城號也自山阿遙望
白馬山城粉堞參差于雲間是迺灣塞雄關丁丑
之兵人民得保其勢則北險南夷到古津江玉江
萬戶李國立艤船待催渡一行少憇 太祖峰下
峰是 太祖舉義回軍時駐劄處古津江一號書

狀江 天順間赴京書狀官溺歿故名云源出本
府天摩山暨普光山西爲此江又西注四十里入
于大摠江達于海踰赤峴登小歧峴其北所串館
其西古城基午到所串館點午館是龍灣界府尹
金徽出待午發踰大歧峴登箭門嶺從古城裏行
北望胡地松鶻愁碧鎮江九連城殘破殺氣凌空景
象陰慘看來不覺歛嗟嶺南北俱有長城古基北
抵六鎮南連彌串延袤數千里云過吾目坪板橋
踰南山暨松峴北京夫馬差員熙川郡守李綏邦
來候申到義州由南門入館於龍灣館館是吾東

地盡頭去 國情懷益自悽然秦川倅與王倅支
待別夫馬差員朔州府使曹無敵開市差員鐵山
倅金益厚出候龍灣是西塞雄鎮城高壕深周遭
廣濶丁卯城陷生民魚肉府尹李莞歿之厥後嫌
其廣濶捨半小築仍以守之重修白馬後更不繕
葺以故幾盡頽毀丁丑之兵灣尹林慶業鎮守白
馬清兵之歸襲擊大破之清兵奔入此城仍以北
遁云清南寸土皆闢人民稠密清北田野多荒籬
落稀少邊塞蕭條槩可知矣自雲興至所串所館
湫隘僅得經過龍灣是壬辰之兵 宣廟駐駕處

故屋宇宏敞頓覺爽豁朝在龍川境聞十七日風
雨有一妖物乘風駕雨而來狀如馬尾行如鉅割
長數丈許諺呼其名或曰羌吉或曰火龍突入村
舍柱樑皆飛禾穀盡損人民氣絕間或驟過林藪
則大木皆折所過赤地云到濟言及府尹答以頃
在堤川適見此異今來本府復覩茲變至於南面
村舍風飄一見尚今未得府人云頃於丙寅有此
變仍有兵亂其爲慮不淺矣奉書 螭庭仍寄家
信是日朝行五十里夕行三十五里
二十日乙未夜雨朝晴晚陰留方物別獻及盤纏乾

糧改裹濟上裨將七員嘉善前郡守金汝老掌兵
房嘉善任義男掌鷹犬折衝白勝潤掌戶房出身
金孝源掌禮房前權管金俊哲掌馬監閑良金得
鑑掌工房閑良金秋立差送副价行中皆是解事
理善弓馬武人也赴北驛騎廼三南抄送而追風
縱未望款段居半 國家擇送本意願安在哉馬
官之不職可痛

二十一日丙申洒雨以行李未就整頓留日晚偕同
伴登臨統軍亭山河雄壯氣象萬千荒野茫茫迥
接碧空三江交流限隔南北倚欄四望浩浩蕩蕩

松溪集卷之五
向者百祥練光真兒戲耳諺傳統統軍亭爲八路中
元戎果是的論然近接胡地景象陰慘令人愁絕
鴨綠江古號有三一云清河一云龍灣今號鴨綠
水色如鴨頭故也源出胡地白頭山西走千餘里
爲長江至馬耳山下分派三流合注于大摠江入
于麟山鎮前洋三江中江是胡地鴨水卽吾東也
向夕歸館蒼頭渭濱蒙赤馳撥傳信始聞沈尚書
諮夫人卒逝之奇自本府先送火手較獵越邊是
古例也

松溪集卷之五

